



DEO OPTIMO MAX.
UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS;
*manè discutienda, in Scholis Medicorum, die Jovis decimā-sextā
mensis Decembris, anno Domini M. DCC. XLV.*

M. FRANCISCO-NICOLAO GAUTIER DU ROCHER;
Doctore Medico, Præside.

An ventriculi & intestinorum ulceribus Aquæ Barengenses?

I.



INTER omnes corporis partes, quæ morborum impetui frequen-
tius subjacent, nulla est quæ majori casuum periculo obnoxia
sit, quam ventriculus & intestina. Præter enim ea mala quo in toto
corpore communia sunt, innumeros causarum violentium incursus ex-
periuntur sibi speciatim obeundos. Assiduo labori vacant, operosum,
digerendi, & egerendi, munus exequantur: quidquid est, in tuen-
dæ vitæ negotio, duri, & ignobilis habent. Molunt, pinguent, coquant, im-
munda congerunt, excernunt, gemunt sub imperio gulæ. Mancipia & operæ por-
tium cæterarum, quarum incolumitati & commodis diu, nocturne invigilant. Aded
ut non secedere olim membra à stomaco sed stomachus optare debuisset à membris
secessionem. Nec satis est suos ipsis pati manes & propriam necessitatem, in confor-
tium veniunt aliarum, fere quæcumque dolent, partium. Ostia sunt, qua morbi in-

A

grediuntur, & excedunt. Alimentorum, medicamentorum, prima faciunt omnium pericula. Bilis, succi pancreatici, pituitæ confluentibus rivis obvia, sentinam ministrant alienis impuritatibus eliminandis. Quid mirum si tot malis circumveniantur! Dyspepsiâ, bradypepsiâ, apepsiâ, anorexiâ, dysorexiâ, picâ, malaciâ, vomitione vermibus, flatu, astrictione, diarrhæâ, lienterîâ, dysenterîâ, dolore colico, iliaco, ileo, inflammatione, schirrho, tuberculis, aphitis, aliisque quibus fuscipiendis apta nata est constitutio partis, functio, ætas ægri, sexus, natura tunicarum diversi generis sibi circumvolutarum, canalem digestionis constituentium. Inter quæ nullum insensius & curatu difficilius quam ulcus.

I I.

ULCUS est scæda & impura continui solutio; modo ab internâ causâ natalis habens, modo vulneri subnascens, nullâ, aut ineptâ medicatione tractato. Causam habet perpetuo assidentem & individuum. Ergo differt à vulnere, quod causâ ablata superstes remanet & existit solitarium. Varia sunt ulcerum nomina, pro nomine partium affectarum, pro magnitudine mali, pro diversitate durationis, præcipuè ulcerum differentia repetuntur, ex discrimine causarum & varietate humorum ex ulcere emanantium; hinc, quoad causam, phlegmonædea, crisipelatædea, carcinomatædea, scorbutica, venerea, scrophulosa. Quoad effluentem liquorem, purulenta, cum incipiunt flescere: saniosa, cum cruda adhuc & semicocta humen: virulenta cum in malignam indolem & incurabilem defleant. Calli, fistulæ, sinus, varices, suas appellationes ulceribus transferunt. Sunt alia ulcera depascentia, sine tumore sensibili, nomædea, cacoethea, phagedænica dicta. Causa continens est vitiosus humor omnisque impuritas in parte affecta hærens. Oritur ex suppuratione, erosione, ruptione vasorum, corporis vicini contactu eo, qui unionem continuitatis interrompere valeat, quæ refarciri non possit, sive ob defectum deterfionis, sive ob humorum diathesim cicatrici adversam. Molles omnes corporis invadit partes. Modo carnes fungosas, squalentes, callosas generat, ubi sanies consociata cum pure, inviscatur, nec vim potest exercere liberam, sed inficit tenera pullulamenta carni, tabidumque illinit inquinamentum ulceris margini, unde lymphæ nequit depluere, sed valis suis inhæret acri luto constrictis, ubi paulatim indurefcit. Modo circumdepascitur, seriùs, ociùs, pro partium resistentiâ & energiâ causæ erodentis, cuniculos agit, qua via proclivior, & obsequiosior, effoditque sinus & fistulas, quæ nihil aliud sunt, quam sinus profundi angusto orificio. Interea rubet ulceris periphæria; varices circumserpunt, sanguis enim dum præterlabi non potest, arietat in obicem impetuosius, subit effugia lateralia, rubefacit, calefacit, majoremque sui sensum excitat in parte jam dolente; tunc fibrillæ nervæ irritantur, tenduntur, frænula injiciunt venulis circum sparsis, quæ directam cum arteriis communicationem & æquabilem compressionem amiserunt; hinc varices. Malum ejusmodi adesse in intestinis aut ventriculo intelligitur, si præcesserit causa sufficiens, qualis inflammatio, sine signis resolutionis, cum symptomatibus suppurationis: vomitus sanguineus, fæces cruentæ, cum suspitione imperfectæ curationis; dysenteria atrox, diuturna, acria assumpta, venenata; si aphtæ, tubercula, schirri, præfagiri possint. Talia conjicienti lucem asferent vomitus purulentus, saniosus; fæces purulentæ, saniosæ, si quâ arte dignosci poterint, cum filamentis membranosis fragminibusque tunicarum, horripulationes interruptæ, febris lenta, cujus causa aliunde deduci non possit; aliaque sagaci Medico non

3

impervia. Pari diligentia poterit locus affectus detegi, atque ita habebitur cognitio mali difficile medicabilis, cui debellando Aquas Baregieneses proponimus.

I I I.

FONTES Baregieneses apud Ligerrones, siti, fama jamdudum in Europa nobiles, probatam multis successibus medelam exhibent, nec hodie primum incipiunt in usus publicos elabi. Anglos vident quotannis, Hispanos, Gallos, sociabilibus lymphis amice concurrentes, sine fraude dividere inter se salubres aquarum fructus, omni merce quaesita mari longe praetiosiores. Puri sunt & illimes fluctus, nulla tempestatum varietate mutabiles, sapore subdulci, mannato, brevi evanido afficiunt. Odore pungunt bituminoso: vapores halant continuo, rariores, aut densiores, pro statu aeris. Aqua recens hausta operitur pellicula oleaginosa, mox dissipabili. Aeri exposita viginti quatuor horis, gustum, odorem, tactum oleosum, amittit; fit aqua communis. Sedimentum constat molli sub pingui substantia filamentosa. Expositum supra papirum, evolat; excepta sicca & dura pellicula, quae admota igni, tota perit cum odore sulphureo, nullis relictis cineribus. Galla immissa non mutat aquam, acida non fermentescunt, neque alkalia fixa, neque volatilia. Quatuor libris aquae evaporatis ad quatuor coctlearia, liquor erat coloris fere petrolei, pinguis, oleaginosus, salvus, subdulcis, exsiccatione absoluta, fex remansit terrea, falso alkalina, gustu salis absynthii, fermentescebat cum spiritu nitri, non cum alkalicis fixis, volatilibusve: duodecim aquae librae distillatae exhibuerunt quatuor scrupulos salis alkalici, urinosi, volatilissimi. Haec constant observatis sagacissimi Angli *Meigan*, & expertissimi Doctoris Medici *Bories*, in ipsa regione jamdiu degentis. Hinc patet aquas Baregieneses esse bituminoso sulphureas, alkali paucio, volatilissimo, impraegnatas.

I V.

CURATIO Ulceris ventriculi & intestinorum duplicem Medico operationem indicat. Providere humorum integritati restituendae, ut parti morbofae procuretur ros ille epuloticus, aptus partibus regenerandis. Secundo topicum ulceris vitium, quae fas est arte, emendare: moliri scilicet deterfionem sordium, emolliationem callorum ablationem carnum fungosarum, resolutionem infarctus. Quod competit Aquis Baregienesibus. Sulphure levissimo & alkali volatilissimo impraegnantur dividere, dissolvere, attenuare efficaciter possunt & humores qualescumque spissatos, & compactos, efficere fluidiores, atque hinc ad motus circulatorios secretionum, excretionum expeditores. Stimulo alkalino pungere, sollicitare, cogere valent vasculorum fibrillas ad nifus vividiores, unde trituration, subactio, stagnantis morio, progressio vegetior; quae separatio fecum, & eliminatio, integralque remanentis liquidi cum adaucta vasorum vi & restitutione roboris obtinetur. Praterea pituitam, bilem induratum, excrementa recocta, solvunt, detrudunt. Vim augent gastricam: chylum efficiunt puriorem, perfectiorem, hinc libertas functionum, facilitas, sanitas. Nunc vero ad partem ulcerosam magnam copiam defluere possunt immediate, toto intestinorum ductu; ibi virtute sua soponacem saniem dividunt ulceri circumlitam, mortua a vivis segregant, exsiccant ulcus, & impuram scaruriginem exhauriunt. Cedit induratio callorum blando aquarum balsamo, spicula alkalina incidunt lympham inspissatam, in fluorem agunt, dum pars aquae immissa venis ex artera parte, pari successu, eidem operi alleborat. Hinc oppugnatio du-

4

plex, cujus ope, moles infarctus paulatim ruit, quâ penitus erasâ, abit periphariæ. Rubor cum varicibus, & ulcus jam ad fortem vulneris coercitum, curatur nullo remanente cicatrici obice.

V,

JAM diù in usu est Aquas Baregienses adhibere externis ulceribus. Injiciuntur utero, vesicæ, urethræ, ano. Quæ religio eas à ventriculo & intestinis amoveret. Ibi enim in suos vulgatos usus applicantur, & topice agunt. In ventriculi ulceribus illud perspicuum est. In ulceribus intestinorum croisorum clisimatibus infundi queunt sicut in vesicam. In intestina tenuia immediatè & libero tractu delabi possunt, modo vacuo ventriculo hauriantur, ambulatione, motu, præcipitentur. Verum, esto, ineant humorum vias. Quid inde periculi? An non ingeruntur sapissimè in asthma humido, & calculo renum contra quæ mira præstare judicantur. Prudenter propinari debent nec statim magna ægrotanti copia proponenda est. A paucâ quantitate exordiri tutius & ad majorem, si juvat, procedere, præmissis cautionibus, quæ in usu saponacearum & sulphurearum aquarum locum habent. Diæta imperanda quæ conveniat ulceri & aquis. Habita ratione omnium circumstantiarum, quæ à præsentè Medico animadverti quam hic loci commemorari facilius possunt,

Ergò ventriculi & intestinorum ulceribus Aqua Baregienses.

DOMINI DOCTORES DISPUTATURI.

M. Guillelmus Ruellan.

M. Franciscus Bernard.

M. Elie Col de Vilars, Ex-Decanus & Academiæ Censor.

M. Petrus Arcelin.

M. Joannes le Thieullier.

M. Henricus Besnier.

M. Petrus Chevalier.

M. Jacobus Verdelhan des Moles.

M. Joannes Bessé, Doctoris Hispaniarum Regine, dàm vivet, Medicus Primarius.

Proponerebat Parisiis, JULIANUS HINGANT, San-Briocensis,
Saluberrimæ Facultatis Medicinæ Parisiensis Baccalaureus, A. R. S. H.
à sextâ ad meridiem.